

November 2007

Isumaqtigiissut

Sisak Teknik A/S

Aamma

Sulinermik Inuussutissarsiuteqartut Kattuffiata

Akornanni

***Sulisut Ilinniagaqarsimasut –
Ilinniagaqarsimannngitsullu***

Timimut aningaasarsiallit

Pillugit.

IMAASA ALLATTORSIMAFFIAT.

§ 1	Isumaqtigiiissutip atuuffii.....	4
§ 2	Suliffiup sivisussusia.....	4
§ 3	Aningaasarsiat.....	5
§ 4	Soraarnerussutisiaqalernissamut akilersukkat taak-Kulu akilerneqartarnerat.....	5
§ 5	Aningaasarsiat qaffakkiartortarnerat.....	6
§ 6	Qaangiuttoorneq aammalu qaangiuttoornerit Sulinngiffeqaatigisarnerat.....	6
§ 7	Suliffimmut tunngatillugu angalaneq taakkulu Aningaasartuutigineqartarnerat ullormusiat Unnuakkut tapit aammalu atisat angallasit Aningaasartuutigineqartarnerat.....	7
§ 8	Sapaammi – nalliuttuni – nalliuttunilu ulluinnarti-Goortuni aningaasarsiat.....	7
§ 9	Atisat illersuutitallit sillimaniarnermullu illersuutit Allat il.il.....	8
§ 10	Tapit.....	8
§ 11	Naammagittaalliorssinnaatitaaneq.....	9
§ 12	Sulinermik unitsitsineq.....	9
§ 13	Aningaasarsisisarisarneq.....	9
§ 14	Sulinngiffeqarneq sulinngiffeqarnermilu aningaa-Sarsiat.....	10
§ 15	Toqusoqarsimatillugu aningaasarsiat.....	10
§ 16	Meeqqat napparsimanerani ullormi siullermi Sulinngiffeqarsinnaatitaaneq.....	10

§ 17	Qanigisat ilaquettallu napparsimamanerini sulinngif-Feqarsinnaatitaanerit allat.....	10
§ 18	Ullut meeqqanik isumaginniffiit.....	11
§ 19	Sulinngiffiusinnaasut immikkut ittut allat.....	12
§ 20	Qinikkatut sulineq.....	12
§ 21	Isumaqtigiissutit pillugit isumaqtigiinngissutit Aammalu kinaassusersiorluni soraarsitsisarnerit.....	13
§ 22	Soraarsitsinissamut soraarniuteqarnissamullu Ilisimatitsinerit.....	14
§ 23	Aningaasaateqarfinnut akiliutit.....	14
§ 24	Isumaqtigiissutip atuuffissai.....	15

§ 1

Isumaqtigiissutip atuuffissai

Isumaqtigiissut manna makkununnga atuuppoq:

- a) Sulisunut ilinniagaqarsimannngitsunut
- b) Sulisunut ilinniagaqarsimasunut.

Sulisunut Sisak Teknik A/S-mi nal. akunneranut aningaaasarsialerlugit sulisorineqartunut allamillu isumaqtigiissuteqarfigineqarsimannngitsunut.

Imm. 2. Sulisitsisup sulisullu sinnisaasa inassuteqarnerisigut, sulisut ilinniagaqarsimannngitsut periarfissaqartinneqarput, suliaminnut pikkorissusiat aallaavigalugu, pikkorissutsimut tapermik tunineqarsinnaanerat suliamik ilinniagaqarsimannngitsut aammalu suliamik ilinniagaqarsimasut timimut aningaaasarsiaata assigiinngissutaata 2/3-anik sulisup ilinniagaqarsimasup suleqatigisami ukiuni suliffigisimasamini aningaaasarsiaasa qaffakkiartorsimanerata angeqqataanik. Taamatut aningaaasarsianik tapeqartitsineq tunniunneqartassaaq illuatungeriit isumaqtigiinniareernerisigut.

Imm. 3. Sulisut assigiinngitsutigut ilinniagaqarlutik misilitakkat aallaavigalugit naammassinnissimasut "sorte fag" ilinniagaqarsimasutut naatsorsuun-neqassapput. Illuatungeriillu isumaqtigiinniarnermikkut aalajangissavaat suliffiup ataani suliamut sumut ilinniagaqarsimasutut inissinneqassanersoq.

§ 2

Suliffiup sivisussusia.

Suliffiup nalinginnaasup sivisussusia 40 timiuvoq sapaatip akunnerata ulluini 7-ni agguataarneqartussaq, naatsorsorneqartarlunilu ataasinngornermiit sapaat ilanngullugu. Ullormullu suliffik , immikkut allamik aalajangiisoqarsi-manngippat, piffissami ullaakkut nalunaaqutaq 07.00 -miit unnukkut nalunaaqutaq 18.00 akornanni.

Imm. 2. Ullup suliffiup ullormut qanoq agguataarneqarnissaa sulisitsisumik sulisut sinnisaannik ,sulisunillu isumasioqateqareernikkut tassani isiginiarneqassalluni suliffik qanoq ingerlanneqaruni suliffimmut sulisunullu

pitsaanerunersoq anguniarlugu. Isumaqtigiaqartillugu tamatumani S.I.K. naammagittaalliuuteqarluni uparuaasinnaatitaavoq.

Imm. 3. Sulisut aningaasarsiaminnik ilanngaanneqartassapput ulluinnarni ullormut piffissap suliffiqeqartussap iluani suliaminnik sumiginnaasimاغونيك، inortuillutik allatigulluunniit akuerineqanngitsumik suliffimminkim qimatsisimagunik. Aningaasarsiassanik ilanngaassineq pisassaaq nalinginnaasumik timimut aningaasarsiat taakkulu tapii ilanggullugit timimi tassani qimagusimanermi taperineqartussaagaluit. Suliffimmik sumiginnaaneq ½ timiuppat ½ timimik ilanngaassisqassaaq.

Imm. 4. Suliffimmut tunngatillugu angalaneq ingerlaarneq ullormut suliffiup affaanik naatsorsorneqartassaaq. Taamatulli naatsorsuineq kinguneqassanngilaq sulinertut naatsorneqassanngilaq , sulisoq piffissap taassuma iluani naammassineqannginneratut isigineqassalluni.

Imm. 5. Piffissaq angalanerup nalaa nal. 17.00 aamma 08.00 akornanni pisimappat sulinertut naatsorneqassanngilaq , sulisoq piffissap taassuma iluani inissaqartinneqarsimappat siniffissaqartinneqarsimappallu.

§ 3

Aningaasarsiat.

Sulisut ilinniagaqarsimannngitsut 18-it inorlugit ukiullit aningaasarsiaqartin-neqassapput timimut:

<u>01.01.2008</u>	<u>01.01.2009</u>	<u>01.01.2010.</u>
50.00 kr.	51.00 kr.	52.00 kr.

Imm. 2. Sulisut 18-it qaangerlugit ukiullit suliamik ilinniagaqarsimannngitsut, § 5 uperuartuullugu piumasarisaasunik naammassinnissimasut taamalu aningaasarsiat ukiut suliffigisimasat tunngavigalugit qaffariartortinneqartussat nal.akunneranut imatut angissuseqassapput:

<u>Alloriarneq</u>	<u>ukiat suliffiit</u>	<u>01.01.2008</u>	<u>01.01.2009</u>	<u>01. 01.2010</u>
IF1.	1. – 2.	80,00 +tapit	82,00+tapit	84,00+tapit
IF2.	3. – 5.	84,00 +tapit	86,00+tapit	88,00+tapit
IF3.	6. - >	88,00 +tapit	90,00+tapit	92,00+tapit

Imm. 3. Sulisut suliamik ilinniagaqarsimasut 18-it qaangerlugit ukiullit, § 5 uparuartuullugu piumasaqaataasunik naammassinnissimasut taamalu aningaasarsiat ukiut suliffigisimasat tunngavigalugit qaffariartortinneqartussat nal.akunneranut imatut angissuseqassapput:

Alloriarneq	ukiut suliffiit	01.01.2008	01.01.2009	01. 01.2010
IF1.	1. – 2.	100,00+tapit	102,00+tapit	104,00+tapit
IF2.	3. – 5.	104,00+tapit	106,00+tapit	108,00+tapit
IF3.	6. - >	108,00+tapit	110,00+tapit	112,00+tapit

§ 4

Soraarnerussutisiaqalernissamut akilersukkat taakkulu akilerneqartarneri.

Sulisut 18 qaangerlugit ukioqalereersimasut soraarnerussutisiaqalernissaannut sulisitsisoq akiliisassaaq § 3-mi aningaasarsiat tunngaviusumik angissusiat tapit ilanngunnagit aallaavigalugit taakkulu SISA-mut akilerneqartassapput. Soraarnerussutisiassaat akilerneqartassapput SISA-mi maleruagassat tunngavigalugit.

Aalajangerneqarpoq sulisup nammineq akilertassagaa tunngaviusumik aningaasarsiami 2,5%-tia sulisitsisullu akilertassallugu tunngaviusumik sulisup aningaasarsiaata 5%-tia.

Imm. 2. Sulisoq imm.1.-mi soraarnerussutisiassatut sulisitsisup akilertagaasa saniatigut sulisoq soraarnerussutisiassanik allanik allatigulluunniit sulisitsisumit akiliunneqarnissamik piumasaqarsinnaanngilaq.

§ 5

Qanoq sivisutigisumik sulisimaneq pillugu aningaasarsiaqarnissaq isumaqatigiinniutigineqassaaq sulisumit, sulisut sinnisaannik aammalu sulisitsisumit, tassanilu isiginiarneqassallutik sulisup ilinniagaqarsimanini tunngavigalugu siusinnerusukkut sunik suliaqarsimanersoq.

Imm. 2. Sulisut piffissap ilaannaanut sulisinneqartartut taamalu sapaatip akunneranut minnerpaamik 20 timer taakkulu qulaallugit sulisartut pisinnaatitaapput ilivitsumik nalilerlugu sulisimanera aalajangiiffigineqartassaaq. Sulisulli sapaatip akunneranut 20 timer ataallugit

sulisorineqartartut sulisimaneranut naleqqussarlugit aalajangiiffigi-neqartassallutik.

Imm.3. Ataavartumik Sisak Teknik A/S-mi sulisimaneq tunngavigalugu ukiut qanoq amerlatigisut sulisimanermut naliliinermi ilanngaatigineqassanngillat sulisup sulinngiffeqarneq, napparsimaneq, erninermi sulinngiffeqarneq aammalu meeravissiartaarniarneq tunngavigalugu sulinngiffeqarneq kiisalu qinikkatut sulinermi sulinngiffeqartarnerit.

Imm. 4. Suliffimmuit iverteqqaartut qanorlu sulisimanermik upernarsaammik takussutissaqanngitsut sulilernerat imm. 1. uperuartuullugu aningaasarsiaat alloriarnermut 1.- (trin 1) inissinneqartassapput.

Imm. 5. Sulisut ilinniagaqarsimasut aningaasarsiaqartitaanerat aalajangerneqartassaaq sulisup suliffigisimasai sumillu ilinniagaqarsimanerat tunngavigineqartassalluni.

Imm. 6. Sulisut ilinniagaqarsimasut ilinniakkatik tunngavigalugit aningaasarsiassaat annertussusilerneqassappata qanoq sivisutigisumik sulisimanerat naatsorsorneqassaaq ullormi ilinniarluni naammassineraniit aallaaveqartumik.

§ 6

Qaangiuttoorneq qaangiuttoornerillu sulinngiffingeqartarnerat.

Suliffimmi qaangiuttoorneq sapinngisamik pinaveersaartinneqassaaq. Qaangiuttoornerli tiimit suliffissat nalinginnaasut (40 timer sap.akunneranut)qaangerneqarsimappata § 2 imm. 1 uparuartuullugu, tamannalu peqquneqarnikkut pisimappat aammalu nakkutigisaasumik ingelanneqarsimappat, sulisoq qaangiuttoornermut taperneqassaaq timimut aningaasarsiai aallaavigalugit. Taperlu naatsorsorneqassaaq timimut aningaasarsiat tamakkiisut tapit pinnagit 50%-mik § 3 uparuartuullugu. Tamannattaaq atuuppoq sapaatini – nalliuuttunilu sulinermi.

Imm. 2. Qaangiuttoornerit sulinngiffeqaataasinnaanerat illuatungerit isumaqtigipiinniutigisinnavaat maleruagassat kinguliini taaneqartut najoqqutaralugit.:

Piffissap ulapiffiup nalaani – piffissami 1. maj-imiit 31. December – tungaanut Qaangiuttoornerit katarsorneqarsimasut piffissami suliaqannginneruffiusumi 1. januar –imiit 30. april ilanngullugu sulinngiffeqaatigalugit atorneqarsinnaapput,

piffissami tamatuma nalaani sulisut suliassaqannginneq pillugu angerlartiinnar-neqarfissaraluanni.

Imm. 3. Qaangiuttoortoqartillugu tiimit qaangiuttoornerit 50%-ti immikkut qaangiuttoornerit sulinngiffingineqarnissaannut toqqorterneqassappu.

Nammeneq kajumissuseq tunngavigalugu tiimit toqqortigassat amerlanerutinnejarsinnaapput. Tapit allallu qaangiuttoornermi pissarsiassat sinneri aningaasanngorlugit akilerneqassapput. Tapit tamarmik akilerneqassapput piffissap qaangiuttoorfiusimasup naammassineratigut. Qaangiuttoornerit sulinngiffeqarfissatut toqqortikkat 2%-imik ernialersorneqassapput.

Piffissami suliassaqannginneq pissutigalugu angerlaannartinneqarfiup nalaani – ullunut 14-nut aningaasarsisitsoqartassaaq ullormut suliffiup nalinginnaasup 8 timer nalinganut annertussusilimmik immikkut tapit ilanngunnagit taamatullu ingerlatsisoqartassalluni qaangiuttoornerit toqqortersimasat nungunnissaasa tungaannut. Qaangiuttoornerit toqqortikkat sulinngiffingineqarnerisa nalaanni aningaasarsiat soraarnerussutisiaqalernissamut toqqortikkanut ilanngaaffingineqartassanngillat.

Imm. 4. Qaangiuttoornerit toqqorterneqarsimasut 30. april tikitsinnagu sulinngiffingineqarsinnaanngitsut aningaasanngorlugit akilerneqassapput imaluunniit toqqorterinissamut tullermut nuunneqarsinnaallutik.

Qaanngiuttoornerik toqqortikkanik katersukkat akilerneqartussat akilerneqassapput piffissap killiliussap kingorna akissarsivissami siullermi immikkut tapeqartinneqaratik.

Imm. 5. Soraarsitaanermi imaluunniit nammineerluni soraarnermi qaangiuttoornerit katarsorneqarsimasut tamarmik akilerneqassapput ullormi akissarsivissami siullermi.

Imm. 6. Qaangiuttoortoqassatillugu qaangiuttoornissaq kingusinnerpaamik 4 timer tioqqullugu suliffiup nalinginnaasup iluani kalerrutigineqartassaaq, suliffinni ullup qeqyanut unillatsiarneq suliffeqarfimmuit akilerneqartartuni. Sulifiinni ullup qeqyanut 1 time ullup qeqyanut matusartuni qaangiuttoornissaq 5 timinik sioqqullugu.

§ 7

Suliffimmut tunngatillugu angalanerni aningaasartuutit, taakkununnga ilaallutik ullormusiat.

Suliffimmut tunngatillugu angalanerni sulisut illoqarfitsik qimallugu suliartorlutik angalasimappata ullormusiaqartinneqartassapput, Sisak Teknik-ip suliffimmut tunngatillugu angalanermi maleruaqqusai atuuttut aallaavigalugit. Angalanerni akilersuinermi ullormusiaqartitsinermilu Kalaallit Nunaanni Namminersornerullutik Oqaartussat angalanernut atatillugu maleruaqqusai malillugit akilersuineqartassaaq.

§ 8

Sapaatini nalliuttunilu ulluinnartigoortuni aningaasarsiat.

Sulisut sapaatini nalliuttunilu ulluinnartigoortuni taperneqartassapput ullormut ilivitsumut kr. 240,00, kiisalu ullup affaanut kr. 120,00, kiisalu sulisunut ilinniagaqarsimannngitsunut 18-it inorlugit ukiulinnut ullormut ilivitsumut kr. 120,00 kiisalu ullup affaanut kr. 60,00 makkulu taamatut akiliinissamut naammarsineqarsimassapput:

- a) Sulisoq nalliuuttoq ulluinnartigoortoq sioqqullugu ulluni tulleriinni 5-ni ataavartumik Sisak Teknik A/S-mi sulisimappat.
- b) Sulisoq ulluni taakkunani ullormut suliffik nalinginnaasoq naammatsillugu sulisimappat tamanna sioqqullugu kingoqqullugulu, allamik pissuteqartumik soorlu napparsimanermik imaluunniit akuerineqarluni suliffimmit qimagusimanermik, imaluunniit sulineq sila pissutigalugu, nioqquqtiissiassaqannginneq peqqutigalugu imaluunniit immikkut ittumik peqquteqartumik suliffik matusariaqarsimappat.
- c) Sulisoq ullormi nalliuttumi ulluinnartigoortumi sulisimanngippat.

Imm. 2. Ullutut nalliuttutut makku akuerineqarlutik isigineqarput:

- a) Ilagiittut nalliuttorsiorerit
- b) Juulliaraq
- c) Ukiutoqaq
- d) Kunngit pingasut ulluat (nal. 12.00 kingorna)
- e) 1. maj (nal. 12.00 kingorna). Tassani illumi isumaqatigiissusiornikkut ullortut ilivitsutut isigineqartussatut isumaqatigiinniutigineqarsinnaavoq.
- f) Kalallit Nunaanni Inuiattut nalliuttorsiorfik 21. juni.

§ 9

Suliffimmi sillimanissaq anguniarlugu atisat il.il.

Sulisitsisup suliffimmi isumannaallisaanissaq anguniarlugu atisat, kamippaat isumannaallisakkat, nasallu niaqorornaveeqqutit, aaqqatit, qaatigoorsuillu il.il. akeqanngitsumik sulisunut atugassanngorlugit piareersimatissavai, tamakkulu sulisunit pinngitsooratik isumannaallisaaneq siunertaralugu atorneqartassapput.

Atisat atugassiissutigineqarsimasut suliunnaarnermi utertinnejassapput.

§ 10

Tapit.

Sulisut ullaat 14-it ingerlaneranni suliartunngitsooratik 72 timer angusimappatigit taakkuluunniit qaangerlugit sulisoriinnarnissaat anguniarlugu timit atorsimasaat tamaasa 20,00 kr-mik taperneqassapput (taakkuli 72 timer piffissap taassuma iluani nallittunik ulluinnartigoortunik nalaanneqarsimappata taakku ilanngaatigineqassapput. Napparsimaneq ulloq suliffissaq aallartitsinnagu nal. 08.00 sioqqullugu nalunaarutigineqartassaaq napparsimaneq sulisup tigummiinnarnissaanik tapimut sunniuteqassanngilaq.

Sulisut immikkut suliamut pikkorissuseqartut pikkorissutimut tapermik "aqutsisutut tapeq" tunineqarsinnaapput timimut kr. 20,00.

Sisak Teknik sulisut sulilluartut aalajangersimasumik pikkorissutimut tapilersinnaavai akissarsivissamut ataatsimut kr. 250,00-nik angissusilimmik.

§ 11

Naammagittaalliorinnaatitaaneq assuarlersinnaatitaaneq.

Isumaqtigiissut tunngavigalugu S.I.K. assuarlersinnaatitaavoq suliat pillugit assortuttoqartillugu, tamanna paasinarpas sulisut ulluinnarni sulinerminni atugarisaat isumaqtigiissummi piumasarisaasunut naapertuitinngitsumik ingerlanneqarpas.

Imm. 2. Paasinarpas nalornisoorutigineqartoq, sulisut piginnaatitaaffiini §§ 6 – 9-mut malillugit tapernik pissarsiassaraluanik tunniussisoqarsimannngitsoq suliaq isumaqtigiissummi suliat pillugit saqitsaannermi aalajangersakkat malillugit suliarineqassaaq.

§ 12

Suliamik unitsitsineq.

Sulisoq silamik peqquteqartumik, suliassaaleqineq pissutigalugu, imaluunniit suliffimmi atortunik il.il. peqquteqartumik angerlartiinnarneqarpat, minnerpaamik nalinginnaasumik ullup suliffiup nalinginnaasumik tamakkiisumik akilerneqassaaq, angerlartinneqarneq ullaakkut silinerup aallartinneraniluunniit pisimagaluarpas.

Imm. 2. Sulisoq nalinginnaasumik aalajangersimasumik ulluinnarni sulisorineqanngitsoq imm. 1. tunngavigalugu minnerpaamik 4 timer akissarsitsinnejassaaq.

§ 13

Aningaasarsisitsisarneq.

Aningaasarsisitsisarneq ullaat 14-kaarlugit pisassaaq, naatsorsoneqartas-sallunilu ataasinngornermiit sapaat ilanggullugu tamatumalu kingorna sapaatip akunnerata ataatsip qaangiunneratigut.

Imm. 2. Sulisut Kalaallit Nunaanni Danmark-imiluunniit aningaaserivinni kontomik pilersitsissapput sulisitsisuminnullu nalunaarutigalugu aningaasarsiamik ikineqartarfissaattut. Aningaasarsiassat tiguneqarsinnaalertassapput ulloq naatsorneqarfissaata naammassineqarnerata kingorna tallimangorneq siulleq.

Imm. 3. Ulloq aningaasarsiffissaq nalliuuttumi ulluinnartigoortumi pissappat aningaasarsiassat tamanna sioqquullugu ulluinnaq suliffiusoq kingulleq akilerneqassapput. Sulisoq ulloq aningaasarsivissaq nalinginnaasoq eqqorlugu tigusinnaanngippagut aningaasarsiassai tunniunneqassapput bank-ip ulluinnarni ammanerani siullermi.

§ 14

Sulinngiffeqarneq sulinngiffeqarnersiutillu.

Sulisut ukiumut sulinngiffeqarsinnaatitaapput sulinngiffeqarnissamut inatsit Inatsisartut Inatsisaat nr. 10 12. november 2001-meersoq tunngavigalugu – aammalu kinguliini taakkartorneqartut tunngavigalugit.

Im. 2. Sulisoq piginnaatitaavoq ukiumut aningaasarsiami 12,5%-tia sulinngiffeqarnersiutigissallugu, tassanili ilanngunneqassanngillat suliffimmut tunngatillugu angalanermi ullormusiat.

Imm. 3. Sulinngiffeqarnersiutit akilerneqarnissaannik piumasaqarneq sulisitsisumut piumasarineqassaaq sulinngiffeqarnissaq qaammatini 3-nik sioqqullugu ukiumut sulinngiffeqarsinnaatitaanermut killiliussap kingorna (30. april). Tamannali pisimanngippat sulinngiffeqarnersiutissat tiguneqanngitsut sulisut Sulinngiffeqarnissamut Aningaasaateqarfianut nakkartinneqassapput takuuk Feriefond pillugu pingaarnertut isumaqatigiissummi.

§ 15

Toqusoqarsimatillugu aingaasarsisisitarneq.

Sulisoq toqukkut qimaguppat sulisorineqarnermi nalaani, toqusup qimataanut nulianut/uanut qitoraanullu 18-nit inorlugit ukiulinnut pilersuisussaaffigisaanut tunniussisoqassooq kingliini aalajangersakkat malillugit,:

Sisak Teknik A/s-mi ukiut 1 sulisimappat.....sap.ak. 2 aningaasarsiassat
- - - 2 sulisimappatsap.ak. 3 aningaasarsiassat
- - - 5 taakkulu qummut sap.ak. 4 aningaasarsiassat.

§16

Meeqqat ulloq siulleq napparsimaneraniit sulinngiffeqarsinnaatitaaneq.

Sulisoq tamakkiisumik aningaasarsiaminik annaasaqaatiginagu ullup ilaanut ullorluunniit tamaat sulinngissinnaatitaavoq, meeqqaminik ukiukinnerusumik napparsimasoqartillugu napparsimanerani ulloq siullermi.

Tamanna atornerlunneqassagaluarpat sulisoq naparsimasoornemini annaasaqaatiginagu sulinngiffeqarsinnaajunnaartitaasinnaavoq, tamatumalu kingorna kingorna qaammatit pingasut angullugit meeqqaminik napparsimasumik paarsinissaminut piaaffigineqarsinnaalluni.

Nalornisoortoqartillugu nakorsamik allagartamik upternarsaammik piumasaqartoqarsinnaavoq.

Imm. 2. Sulinngiffeqarsinnaatitaaneq makkuninga tunngaveqassaaq:

- a) Meeqqap napparsimanerani ulloq siulleq
- b) Meeqqap immikkut paarineqarluni nakkutigineqartariaqarnera pisariaqartoq.

Imm. 3. Sulisunut timimut aningaasarsialinnut napparsimasoorluni sulinngiffeqarneq aningaasarsianik annaasaqaataassanngilaq tunngavigineqassallunilu sulisoq ullormut suliffiup iluani piffissarititaasoq malillugu nalinginnaasumik timimut aningaasarsiaqartoq taakkunani tapit ilanngullugit, ullumi tassani sulinermini tapisiassani. Ulloq sulinngiffingineqartoq sulinertut nalinginnaasutut suliffiup sivisussusia tunngavigalugu tapit ilanngullugit nalunaarsorneqassaaq.

§ 17

Sulinngiffeqarsinnaatitaanerit allat qanigisanik napparsimasoqartillugu.

Sulisut aningaasarsiatik pigiinnarlugit sap.akunnera 1 sulinngiffeqarsinnaatitaapput qanigisamik illoqarfifisap avataani napparsimavimmi uninngatitaaneranni najuunnissamut. Tamannalu atuuppoq pineqartoq napparsimasumut ingiallortitut atorneqassappat pisortanit aqqutaa akilerneqartumik/ aammalu tikeraarneq.

Imm 2. Qanigissat napparsimaneranni uninnganerini ornigunnissamut qinnuteqaatit Peqqinnissaqarfimmit upternarsaaserlugit qinnutigineqartassapput.

Imm. 3. Immikkut illuinnartumik allatut pisoqartillugu nakorsap upternarsaaneratigut sulinngiffeqarneq ullunik 5-nik sivitsorneqarsinnaavoq.

§ 18

Ullut isumaginniffiit.

1. januar 2008 aallarnerfigalugu sulisut qaammatisiutit nalillugit ukiumut ullut 2 ukiumut atorneqarsinnaasut meeqqanik isumaginniffittut meeqqat napparsimanerannut atatillugu, imaluunniit sulisoq nammineq pisariaqartitsiguni qasuersaarnissamut, qanigisat nappaammik qanimanartumik nalaataqarsimanerat pissutigalugu pisariaqartitsilersimaguni. Nappaatinik qanimanartunik paasineqassaaq nappaatit toqumik kinguneqarsinnaasut

taamatullu atugaqarneq allakkatigut uppernarsaaserlugu nalunaarutigi-neqassaaq.

§ 19

Sulinngiffeqarfiusinnaasut allat immikkut ittut.

Sulisut immikkut ittumik akiliunneqarlutik angalasariaqalissagunik sulinngiffeqartariaqalissagunilluunniit ilaquattat qanigisat qanimanartumik napparsimanerat pissutigalugu, imaluunniit aamma/ilaquattat toqukkut qimagunnerisigut ilisinermi peqataanissamut innersuunneqassapput Sisak Teknik –ip Inunnik isumaginninnermut aningaasaateqarfianut saaffiginninnissamut.

Inunnik Isumaginninnermut Aningaasaateqarfimmut sulisut sulinermanni timit suliffigisatit tunngavigalugit aningaasaateqarfimmut 1,00 kr-mik aningaasalersorneqassaaq. Aningaasalersuineq imatut agquaqatigiissinneqassaaq sulisut akilertassavaat 0,15 kr. Aammalu Sisak Teknik A/S-ip 0,85 kr.

Aningaasaateqarfiup aningaasaatai Sisak Teknik A/S-ip siulersuisuunerinit aqunneqassapput taakkulu inuttaqarput sulisut sinnisaannit, sulisuinnaat aallartitaannit kiisalu suliffimmit piginnittut aallartitaannit (taannalu illoqarfigisami S.I.P.-mi siulittaasuuusinnaavoq).

Aningaasaateqarfiup aningaasaataasa qanoq aqunneqarnissaannik atorneqarnissaannillu maleruagassamik immikkut sanasoqassaaq.

Imm. 1. Sulisoq S.I.K.-mi siulersuisuunernut ilaasortaasimappat taanna S.I.K.-p siulersuisuunerini ataatsimiigiarnissamut aningaasarsiani pigiinnarlugit sulinngiffeqartinneqassaaq.

S.I.K.-mi siulersuisuunerit ukiumut sisamararlugtik ataatsimiittarput. Ataatsimiigiarnermut atatillugu aningaasarsiat naatsorsorneqartassapput sulisup nalinginnaasumik aningaasarsiai tapillu aalajangesimasut pissarsiarisartagai ilanngullugit tunngavigalugit.

Imm.2. Sulisoq kissaateqarpal illoqarfigisamini S.I.K.-up immikkoortortaqarfiani peqatigiiffimmik ingerlatinissani siunertaralugu aammalu S.I.K.-up siulersuisuunerini ilaasortaanini aallunniarlugit aningaasarsiaqarani sulinngiffeqarnissaminik qinnuteqarpal itigartinneqassanngilaq.

Taamatut sulinngiffeqarneq ukioq 1-mut atuuttussatut akuersissutigine-qartassaaq, tamannalu aamma isiginiarneqassaaq suliffigisap isumannaatsumik ingerlaannarnissaa siunertaralugu tamatumunnga akornutaanngippat.

§ 20

Qinikkatut sulineq.

Isumaqtigiissutikkut matumuuna sulisut periarfissinneqarput aningaasarsiaqaratik pisariaqartitsineq tunngavigalugu inuiaqatigiinni qinikkatut sullisisinnaanermik soorlu makkunani:

- a) Inatsisartunut ilaasortaaneq,
- b) Kommunalbestyrelsimit Nunaqarfimmiluunniit Aqutsisunut ilaasortaaneq.
- c) Ilagiat sinnersaannut ilaasortaaneq
- d) Atuarfiup Siulersuisuinut ilaasortaaneq,
- e) Eqqartuussisutut sulineq,
- f) Eqqartuusseqataasartutut sulineq,
- g) Illersuisutut sulineq taamatullu
- h) Allani inuiaqatigiinni qinikkatut toqqakkatulluunniit pisortanit toqqarneqarsimasutut S.I.K.-m siulersuisunut siulersuisuunernulluunniit ilaasortaaneq tunngavigalugu toqqarneqarsimagaanni.

Imm. 2. Sulisoq imm. 1.-mi taakkartukkat tunngavigalugit suliaqarsimappat suliffimminiit qimagussimanera suliffimmik akuerineqarani qimatsinertut isagineqassanngilaq, taamaallaalli aatsaat qissimigaarneqarsinnaalluni qaangiuttoornerit allallu soorlu nalliuuttuni assigisaannilu sulisut ilinniagaqaqarsimasut- ilinniagaqaqarsimamngitsullu timimut aningaasarsiallit qaangiuttoornernik – nalliuuttunilu tapisanik tunniussiniartoqalersillugu. Suliffimmit inuiaqatigiinnik sullissineq pissutigalugu qimagusimaneq akissarsianit nalinginnaasunit tapinik annaasaqaataassanngilaq. Suliffimmit qimagusimasariaqarneq pissatillugu tamanna siusinaartumik sulisitsisumut ilisimatitsissutigineqartassaaq.

§ 21

Isumaqtigiinngissuteqarneq aammalu inuttarsiulluni soraarsitsinerit.

Isumaqtigiinngissuteqartoqartillugu isumaqtigiinnginnermik suliaq isumaqtigiissutit malillugit suliamik isumaqtigiinngissuteqarnertut suliarineqartassaaq.

Imm.2. Inunnik ataasiakkaanik soraarsitsisinnaanermut piginnaatitaaneq kinaassusersiorluni soraarsitsinermik pinissaa sapinngisamik pinaveersaartinneqartassaaq. Taamatut tamatumani isumaqatigiinngissuteqartoqartillugu suliaq isumaqatigiissutit malillugit tassanilu saqitsaannermut suliaqarnissamik malederuaqqusat malillugit suliarineqassaaq.

§ 22

Soraarsitsinissamut soraarniuteqarnissamullu ilisimatitsineq.

Sulisoq sulilernermi qaammataani siullermi sulisitsisorluunniit piffissap taassuma iluani pisussaanngillat soraarsitsinissamik soraarniuteqarnissamilluunnit siumut ilisimatitsissuteqarnissamik.

Imm. 2. Sulisut ilinniagaqarsimangitsut sulinerminni qaammatip ataatsip qaanginneratigut sulisitsisumik soraarsinnejassagunik naminnerluunniit soraarniuteqassagunik piginnaatitaapput kinguliini aalajangersakkat tunngavigalugit siumut ilisimatitsissallutik:

	<u>Sulisitsisoq</u>	<u>Sulisoq.</u>
I ukioq 1(qaammat 1 ilanng.)	sap.ak. 2	ullut 3.
I ukioq 2,3,4	sap.ak. 3	sap.ak. 1
Tamatuma kingorna	sap.ak. 6	sap.ak. 1

Imm. 3. Sulisut ilinniagaqarsimasut taakkununnga atorfeqartitaanermi qaammatip ataatsip qaangiunneratigut aalajangersakkat kinguliini taaneqartut maleruarneqassapput.:

	<u>Sulisitsisoq</u>	<u>Sulisoq.</u>
I ukioq 1.(qaammt 1 ilanng.)	sap.ak. 2	ullut 3.
I ukioq 2,3,4 aamma 5	sap.ak. 4	sap.ak. 2
Tamatuma kingorna	sap.ak. 6	sap.ak. 3

Imm. 4. Soraarsitsinissamik soraarniuteqarnissamillu ilisimatitsissute-qarnissamik piumasaqaatit imm. 2-mi aamma 3.-mi eqqartorneqartut atuupput Sisak Teknik A/S-mi sulisunut sulinertik maanaannaq kipinaqu piffissami

taaneqartumi sulismasunut. Pissutsilli kinguliini taaneqartut suliffimmik maanaannaq unitsitsinertut isigineqassanngillat.

- a) Napparsimaneq 24 timer qaangiutsinnagit Sisak Teknik-imut nalunaarutigineqarsimappat.
- b) Sulinnngiffeqarnerit Inatsisartut Peqqussutaat naartuneq, erninermi sulinnngiffeqarneq aammalu meeravissiartaarniarluni sulinnngiffeqarneq.
- c) Sulinermik unitsitsineq sila atortunik ajutoorneq, atortussanik amigaateqarneq, tunisassiassanik amigaateqarneq allallu siumut naatsorsuutigineqanngitsumik pisut il.il. pissutigalugit suliffimmuit angerlartitaaneq, sulisut pissutsit iluarsineqarnerisigut suleqqilernissamik neriorsorneqarsimappata, imaluunniit,
- d) Suliamut suliffimmulluunniit allamut sulisut sulisitsisullu isumaqatigiissuteqarnerisigut pisoqassappat ,imm 5-mi eqqartorneqartut takukkit.

Imm. 5. Soraarsitsinissamik soraarniuteqarnissamilluunniit ilisimatitseqqaarnissat atorunnaassapput sulisup suliffiminik sumiginnaalluni iliuuseqarsimappat imaluunniit sulisitsisup suliffimmi silap, atortunik ajutoornerit , atortussanik amigaateqarneq, suliassaqannginnej imaluunniit pissutsinik allanik siumut takorloorsimanngisanik pisoqartillugu, suliffiup tamakkiisumik ilaannakortumilluunniit matuneranik kinguneqartussamik.

Imm.6. Sulisup sulisitsisulluunniit pisussaaffigaat siumut ilisimatitsinerit allakkatigut nalunaarutigineqartartussaammata.

§ 23

Aningaasaateqarfinnut tapiissutit.

Sisak Teknik A/S aningaasaateqarfinnut kinguliini taaneqartunut akiliuteqartassaaq.:

Ilinniartitaanermut Aningaasaateqarfimmut 0,50 kr. Timit atorneqartut tunngavigalugit.

Sulinngiffeqarsinnaanermut Aningaasaateqarfimmut 0,17 kr. Timit atorneqartut tunngavigalugit.

§ 24

Isumaqtigiissutip atortuulerffissaa.

Isumaqtigiissut manna atuulerpoq 1. januar 2008 aallarnerfigalugu.
Isumaqtigiissut manna misiligutitut suliarineqarpoq atuukkallassallunilu 31. December 2008-ip tungaanut.

Isumaqtigiinniareernerup kingorna isumaqtigiissut sivitsorneqassaaq 31. December 2010-mut.

Imm. 2. Isumaqtigiissutip atuukkunnaarnissaata nalunaarutigineqareerata kingorna isumaqtigiissut manna atuutiinnarallassaaq piffissami 31.december 2008/2010-mut aningaasarsiassatullu aalajangersarneqarsimasut malillugit aningaasarsiaqartitsisoqassalluni nutaamik isumaqtigiissusiornissap taassumalu atuilersinnejarnissaata tungaanut.

Isumaqtigiinniarlutik illuatungeriit isumaqtigiissutigaat S.I.K-p 18.oktober 2007-mi Kalaallit Nunaanni Naalakkersuisut kiisalu Finansministeriep akornanni sulisut sinnisaat pillugit isumaqtigiissutip atuutsinneqarnissaa.

Aasiaat ulloq 11. December 2007

Sulinermik Inuussutissarsiuteqartut Kattuffiat

Sisak Teknik A/S

Jess G. Berthelsen
Kattuffiup siulittaasua

Frank Tommerup
Suliffiup Pisortaa
Siulersuisuni siulittaasoq